

Ser, baka pwede nating pag-usapan  
Ang aking kasalanan baka pwedeng kalimutan  
Sa bawat sulok ng aming lipunan  
Dito halos lahat, nababayaran

Pabor kay ganito pabor kay ganyan  
Kapalit ng tulong nagpatong na utang  
Pagdating ng singilan  
Utang na loob ang kabayaran  
Nasaan na ang mga bayani?  
Tuluyan na silang nabaon sa nakaraan

Pagtangis ng aming bayan  
Dama ng aming kalooban

Pelikula't politika tila iisa  
Matira ang matibay, karnabal na sistema  
Lahat gustong bumida, magpaikot ng istorya  
Sa aming paningin lahat ay kontrabida

Nauulol tumatahol, bumubula ang laway  
Lumalabas ang pangil, tumutubo ang sungay  
Espadahan ng salita, sino ang kawawa?  
Lahat daw sila ay tama, lahat kami kawawa

Naturingan kang may pinag-aralan  
Ngunit bakit ikaw ang dahilan ng kaguluhan?  
Nais lang naman ni Juan mabuhay ng karaniwan  
May kasaganahan at bubong na masisilungan

Para saan ang sinumpaan kung babaliin din naman  
Masakit isipin nabababoy ang bayan na kinalakihan  
Nilagay mo ang kamay sa tapat ng yong puso  
Sabay sabi mo pa ang mamatay ng dahil sa yo

Pagtangis ng aming bayan  
Dama ng aming kalooban

Masasagip ka ba?